

V CONCURSO


30
aniversario

*Escolar de creación artística
do Día Internacional da
Muller e a Nena na Ciencia*

Ilustración: Sofía Yi Chi Wang Lin, Colegio Padre Feijoo Zorlle (Ourense) Ganadora do IV Concurso, categoría de secundaria
Deseño: Área de Imaxe, Vicerreitoría de Comunicación e Relacións Institucionais.

Ata o 20 de xaneiro
de 2021

Máis información:
mullersnaciencia@esei.uvigo.gal



Universidade de Vigo

V Concurso de creación artística do Día Internacional da Muller e a Nena na Ciencia

Bases do concurso

1. OBXECTIVOS

1. Promover o coñecemento por parte do alumnado do papel das mulleres na ciencia e na enxeñaría e das súas achegas ao desenvolvemento humano ao longo da historia.
2. Establecer un certame que axude a que se visualice o papel das mulleres na ciencia e na enxeñaría, e que reflicta como son vistas pola sociedade.
3. Chamar a atención do alumnado sobre a ciencia, a enxeñaría e a súa contorna.

2. PARTICIPANTES

Poderán participar neste concurso o alumnado de educación primaria e de educación secundaria obrigatoria matriculado en calquera centro educativo que pertenza á provincia de Ourense.

Haberá dúas categorías e dúas modalidades:

- Primeira categoría: educación primaria
- Segunda categoría: educación secundaria obrigatoria

3. CARACTERÍSTICAS DAS MODALIDADES

- **Modalidade visual:** nesta modalidade encadraríanse debuxos con calquera material (lapis de cores, rotuladores, recortes para colaxe...) e recursos como o son, o vídeo ou a fotografía para crear obras ou propostas artísticas. Enviaranse en formato dixital ao enderezo da organización do concurso e non levarán o nome do autor ou autora de forma visible. As fotografías enviaranse en alta resolución (mínimo 1920 x 1080 píxeles), cun tamaño máximo de 20MB. Os vídeos poden ter unha duración que oscile entre os 30 segundos e os 2 minutos. Os debuxos tamén deberán ser escaneados en alta resolución. Deberá ser unha obra inédita e orixinal.
- **Modalidade literaria:** manuscritos que poderán estar escritos a man ou a ordenador e que, en calquera caso, se enviarán en formato dixital ao enderezo da organización do concurso. A extensión máxima do traballo será de aproximadamente 900 palabras, o que equivale ás dúas caras dun folio de tamaño A4, e non levarán o nome da autora ou autor de forma visible. Deberá ser unha obra inédita e orixinal: non un resumo do que xa está escrito na web. Os traballos poderán estar escritos en galego ou en castelán nos xéneros de poesía e narrativa (contos, relatos).

4. TEMÁTICA

O tema común dos traballos tratará sobre a visión do alumnado do papel das mulleres na ciencia con temas como os seguintes: que sabes dos descubrimentos das científicas pioneiras?; anímaste a debuxar unha científica?; inventoras e os seus inventos; anécdotas ou historias do teu contorno persoal: a miña avoa científica, a miña tía enxeñeira?... A temática dos traballos ten que tratar sobre as mulleres na ciencia e na enxeñaría ou nas tecnoloxías TIC, e debe ser un traballo orixinal.

5. PRESENTACIÓN DOS TRABALLOS FORMA E PRAZO

Os traballos presentaranse de acordo coas características dadas no punto 3 destas bases. Cada estudante poderá participar exclusivamente nunha das modalidades cun único traballo.

Os traballos enviaranse dixitalizados ao enderezo mulleresnaciencia@esei.uvigo.gal, xunto cos datos do traballo (a autoría, o título do traballo, o curso e o centro educativo ao que pertence o autor/a). A data límite será o 20 de xaneiro de 2021, ás 14.30 horas.

6. SELECCIÓN DOS TRABALLOS E DECISIÓN DO XURADO

A selección dos traballos gañadores realizarase por proposta dun xurado. Os nomes das gañadoras e gañadores comunicaránse directamente ao centro, e publicarase a decisión a través da web e de diferentes medios da Universidade de Vigo. O xurado pode excluír traballos non relacionados co tema proposto no concurso ou que non cumpran os requisitos das bases. A decisión do xurado será inapelable. O nome das premiadas e premiados farase público e a entrega de premios será nun acto especial que terá lugar na primeira quincena de febreiro coincidindo cos actos de conmemoración do Día internacional da Muller e da Nena na Ciencia.

Criterios de avaliación

- Modalidade visual: valorarase a calidade técnica, a orixinalidade, a creatividade e o tratamento da temática do concurso.
- Modalidade literaria: valorarase o estilo, a capacidade de razoamento, a orixinalidade e o tratamento da temática do concurso.

Composición do xurado

O xurado estará composto por docentes da Facultade de Ciencias, da Escola de Enxeñaría Aeronáutica e do Espazo e da Escola Superior de Enxeñaría Informática do campus de Ourense.

7. PREMIOS POR CATEGORÍA E MODALIDADE

Haberá tres premios por cada unha das categorías e das modalidades.

8. DISPOSICIÓN DOS TRABALLOS

Os traballos premiados pasarán a ser propiedade da organización do concurso e as autoras e autores cederán os dereitos de reprodución das súas obras.

A participación neste concurso implica a aceptar estas bases e a decisión do xurado.

Información

Para calquera dúbida ou aclaración pódese escribir ao seguinte enderezo electrónico: mulleresnaciencia@esei.uvigo.gal.